

Bosna i Hercegovina
Federacija Bosne i Hercegovine
KANTON SARAJEVO
Kantonalna uprava za inspekcijske
poslove




Босна и Херцеговина
Федерација Босне и Херцеговине
КАНТОН САРАЈЕВО
Кантонална управа за инспекцијске
послове

499

458

Bosnia and Herzegovina
Federation of Bosnia and Herzegovina
CANTON SARAJEVO
Cantonal Administration for Inspection Issues

Broj: 14-02-05-00624/19
Sarajevo, Februar 15. 2019. godine



Bosna i Hercegovina
Federacija Bosne i Hercegovine
SKUPŠTINA KANTONA SARAJEVO
(Na pažnju, Predsjedavajućeg Elmedina Konakovića)

Predmet: Odgovor na zastupničko pitanje broj: 01-05-666-63/19 od 24.01.2019.godine postavljeno od strane zastupnika Amela Mekića - dostavlja se

Kantonalna uprava za inspekcijske poslove Kantona Sarajevo, dana 07.02.2019. godine zaprimila je zastupničko pitanje postavljeno od strane zastupnika Amela Mekića na Trećoj radnoj sjednici Skupštine Kantona Sarajevo, održanoj dana 23.01.2019. godine, u okviru tačke Dnevnog reda " Poslanička /zastupnička pitanja, inicijative i odgovori" a u skladu sa Poslovníkom Skupštine Kantona Sarajevo koje glasi

PITANJE :

1. Gospodine Resiću je li Vam poznato davanje pod dugoročne zakupe zemljišta kojim raspolaže Preduzeće, pravnim licima u nepoljoprivredne svrhe, mimo zakonske procedure i uz minimalnu naknadu na štetu Preduzeća ?
2. Znate li za praksu prodaje stanarskog prava suprotno zabrani iz Zakona o stvarnim pravima fizičkom licu bez znanja i saglasnosti stvarnog vlasnika, tj. Kantona Sarajevo?



web: <http://kuip.ks.gov.ba>, mail: kuip@kuip.ks.gov.ba

Tel: + 387 (0) 33 770-100 (centrala)
+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb

3. Jeste li upoznati sa sumnjivim okolnostima prodaje grla stoke bez ikakve transparentnosti u čestim slučajevima istim fizičkim licima (rodbinski ili na drugi način povezanim sa uposlenim u Preduzeću) uz minimalne cijene ?
4. Da li Vam je poznat slučaj nepostojanja pravnog osnova za isplatu direktorske plaće (odluka o imenovanju, upisa u sudski registar, ugovora o radu) za gosp. Mirsada Memiševića, ranijeg direktora Preduzeća nakon razrješenja, imenovanja novog vd direktora gosp. Amira Karahasanovića i upisa tog lica u sudski registar, te na isti način isplata plaća gosp. Snježani Ljubunčić i gosp. Esadu Kaltaku nakon isteka mandata, razrješenja i imenovanja drugih lica za vd direktora (bez ikakve odluke o imenovanju, upisa u sudski registar, ugovora o radu)?
5. Da li Vam je poznata praksa nepreduzimanja radnji na regulisanju koncesionog odnosa za upotrebu bunara (vlastiti vodozahvat) u krugu Preduzeća niti plaćanja naknade za eksploataciju vode utvrđene Odlukom Vlade KS, u vezi čega je Preduzeće već tuženo za period 13.06.2012.- 31.12.2013. godine, te su najavljene nove tužbe za dalji period, čime je Preduzeću nanesena šteta u više stotina hiljada maraka?
6. Da li ste pregledali provedene javne nabavke u vrijednostima preko 50.000 KM, u posljednjih 10 godina , sa posebnom pažnjom na nabavke od fizičkih lica bez procedure javne nabavke, pri čemu ima i lica rodbinski povezanih sa uposlenim Preduzeća?
7. Jeste li upoznati sa praksom sklapanja ugovora o koncesiji bez saglasnosti Nadzornog odbora Preduzeća?
8. Pošto ste danas prisutni koristim priliku kako bi jučerašnje pitanje gosp. Okerića da nam odmah odgovorite i na njega usmeno. Praksa rješavanja stambenih pitanja ranije Uprave preduzeća, dijela rukovodećeg kadra i jednog dijela radnika na poljoprivrednom zemljištu PD Butmir, pretvorbom objekata za nužni smještaj u objekte stambenog karaktera uz pokrivanje troškova tih postupaka na račun Preduzeća (PD Butmir)?
9. Da li je nešto poduzeto po ovim pitanjima, ako jeste šta?
10. Tražim od Ministarstva pravde i uprave Kantona Sarajevo, direktora Resić Elvira, menadžmenta PD Butmir i Kantonalne uprave za inspeksijske poslove da u skladu sa nadležnostima , poduzmu mjere i radnje po ovom pitanju.

Cijeneći djelokrug rada Kantonalne uprave za inspeksijske poslove i nadležnosti inspeksijskih službi koje djeluju unutar iste, dajemo odgovor na pitanje 3, 4 i 5. kako slijedi:

- Odgovor na pitanje pod rednim brojem 3.

U skladu sa nadležnostima iz člana 139. Zakona o veterinarstvu FBiH, kantonalni veterinarski inspektori obavljaju redovne i usmjerene inspeksijske nadzore i kontrole životinja u uzgoju i proizvodnji na području Kantona Sarajevo, uključujući i farmu u vlasništvu PD Butmir. Posljednji inspeksijski nadzor obavljen je 24.01.2019.godine, koji se dijelom odnosi i na pitanja načina prodaje, rashodovanja životinja sa predmetne farme.



web: <http://kuip.ks.gov.ba>, mail: kuip@kuip.ks.gov.ba

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb

Predmet inspeksijskih nadzora i kontrola određen je materijalnim propisima iz oblasti veterinarstva i odnosi se na identifikaciju životinja i kontrolu njihovog kretanja, te kontrolu zdravlja, odnosno provođenje mjera zdravstvene zaštite radi zaštite zdravlja ljudi i životinja, indirektno i zaštite okoline, kao i osiguranja zdravstvene ispravnosti primarnih proizvoda za javnu potrošnju, sirovog mlijeka s obzirom na registrovanu djelatnost uzgoja i držanja muznih grla u svrhu proizvodnje sirovog mlijeka za javnu potrošnju (mlijeko se otprema na dalju preradu u Milkos dd Sarajevo).

U okviru istog pravnog lica, organizovana je i registrovana veterinarska služba, koja obavlja poslove na farmi koje su u nadležnosti veterinarstvih organizacija u skladu sa članom 91. Zakona o veterinarstvu FBiH, uključujući i identifikaciju, zaštitu zdravlja i dr., čiji je rad također predmetom kontrole ove inspekcije.

Kontrola identifikacije i kretanja životinja podrazumjeva postavljanje identifikacijske oznake (ušne markice) na životinju najkasnije 20 dana po rođenju, osiguranje odgovarajućeg pasosa za životinju putem Agencije za označavanje BiH i unos podataka o životinji u registar, knjigu imanja te osiguranje odgovarajućih dokumenata za prijavu kretanja, promjena u vezi sa životinjom bilo kojeg tipa (prodaja, uginuće i dr.).

Svaka promjena u vezi sa životinjom, uključujući prodaju unosi se u registar imanja i u državnu bazu podataka, kojom upravlja Agencija, a kojoj veterinarska inspekcija ima pristup radi kontrole provedbe obavezne identifikacije, registracije životinja i njihovog daljeg kretanja.

Prema činjenicama kojima raspolaže ova inspekcija, registrovani oblici kretanja životinja sa farme u vlasništvu PD Butmir do sada čine prijavljena tehnološka uginuća, kao i prodaja životinja po ukazanoj nuždi, odnosno uputa na prinudno klanje (škartirana grla, izlučene životinje i sl.) te prodaja muške teladi (ženska ostaju za priplod, remont stada).

Promjene u vezi sa životinjama, uginuća i slanje na prinudna klanja, prema nalazima ove inspekcije u prethodnom periodu obavljena su u skladu sa relevantnim propisima iz nadležnosti veterinarske inspekcije, odnosno sva uginuća su propisno prijavljena, te su lešine uginulih životinja po utvrđivanju uzroka uginuća, neškodljivo uklonjene, dok se životinje koje je bilo potrebno zaklati iz nužde, upućene na klanje u objekat za klanje s kojim je sklopljen ugovor, po okončanju javnog poziva, odnosno tenderske procedure.

Navedene promjene registrovane su kroz registar imanja i državnu bazu podataka, te ne možemo govoriti u prilog netransparentnosti i nezakonitosti sa aspekta veterinarskih propisa

Prema trenutnom stanju, PD Butmir doo Sarajevo, ima zaključena tri ugovorna odnosa kojim je regulisana prodaja životinja i to goveda za klanje iz prinude, nužde (sa pravnim licem Maksumić d.o.o. iz Konjica), te muške teladi do 60 i 100 kg, za dalji tov ili klanje (sa pravnim licima Farma Spreča d.o.o. Kalesija te Mujanović d.o.o. iz Sarajeva).

Finansijski elementi predmetnih odnosa nisu predmet niti nadležnost veterinarske inspekcije Uprave za inspeksijske polove Kantona Sarajevo.



web: <http://kuip.ks.gov.ba>, mail: kuip@kuip.ks.gov.ba

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb

– *Odgovor na pitanje pod rednim brojem 4.*

Inspekcijski nadzor po ovom osnovu je izvršen dana 13.02.2019. godine u sjedištu KJP “Poljoprivredno dobro Butmir” d.o.o. Sarajevo - Ilidža.

Prema izjavi lica prisutnog nadzoru, rukovodioca pravnih, kadrovskih i finansijskih poslova dokumentacija Nadzornog odbora iz ranijeg perioda se ne nalazi u prostorija Kantonalnog javnog preduzeća, već u posjedu članova Nadzornog odbora koji su obavljali dužnost u tom periodu.

Na osnovu dokumentacije predočene u inspekcijskom nadzoru utvrđeno je slijedeće:

1. u periodu od 23.09.2013.godine do 06.02.2014. godine, a po osnovu Rješenja o izmjenama podataka Općinskog suda Sarajevo broj: 065-0-Reg-13-002199 od 23.09.2013. godine, kao lica ovlaštena za zastupanje su bili upisani Kaltak Esad v.d. izvršni direktor, Karahasanović Amir, v.d. direktor društva i Ljubunčić Snježana, v.d izvršni direktor. U tom periodu Memišević Mirsad je objavljen sa Porezne uprave sa danom 22.09.2013. godine, te prijavljen na osiguranje počev od 23.09.2013. godine sa zanimanjem inženjer u proizvodnji, a bez da je za obavljanje ovih poslova imao zaključen ugovor o radu.
2. u periodu od 07.02.2014. godine do 08.06.2014. godine, a po osnovu Rješenja o izmjenama podataka Općinskog suda Sarajevo broj 065-0-Reg-14-000314 od 07.02.2014. godine je utvrđeno da kao lica ovlaštena za zastupanje su bili upisani Kaltak Esad v.d. izvršni direktor, Memišević Mirsad, v.d. direktor društva i Ljubunčić Snježana, v.d izvršni direktor. Osnov izvršene izmjene je razrješenje vd direktora Karahasanović Amira, na osnovu Rješenja Općinskog suda u Sarajevu broj: 65 0 Rs 380295 13 Rs od 07.01.2014. godine, te upis vd direktora Memišević Mirsada prema rješenju suda broj: 065-0-Reg-12-000035 od 07.02.2012. godine. Uvidom u prijave/odjave sa osiguranje je utvrđeno da je Memišević Mirsad objavljen sa obaveznog osiguranja sa zanimanjem inženjer u proizvodnji s danom 06.01.2014. godine, a počev od 07.01.2014. godine prijavljen na osiguranje sa zanimanjem vd direktor. Iz navedenog proizlazi da je Memišević Mirsad prijavljen na osiguranje u svojstvu vd direktora mjesec dana ranije nego je izvršena izmjena podataka u sudskom registru.
3. u periodu od 09.06.2014. godine do 29.12.2014. godine, a po osnovu Rješenje o izmjenama podataka Općinskog suda Sarajevo broj: 065-0-Reg-14-001125 od 09.06.2014. godine je utvrđeno da su kao lica ovlaštena za zastupanje bili upisani Kaltak Esad v.d. izvršni direktor, Karahasanović Amir, v.d. direktor društva i Ljubunčić Snježana, v.d izvršni direktor. Kao osnov izvršene izmjene je brisanje Memišević Mirsada u svojstvu vd direktora i upis Karahasanović Amira u svojstvu vd direktora po osnovu Rješenja Kantonalnog suda broj: 65 O RS 380295 14 Rsž od 19.02.2014. godine kojim rješenjem je ukinuto rješenje prvostepenog suda, odnosno mjera osiguranja, koja je bila osnov za upis Memišević Mirsada u svojstvu vd direktora. Uvidom u prijave na osiguranje za Memišević Mirsada je utvrđeno da je imenovani i u ovom periodu bio prijavljen na osiguranja sa zanimanjem vd direktor, iako imenovani kroz sudska rješenja nije bio



web: <http://kuip.ks.gov.ba>, mail: kuip@kuip.ks.gov.ba

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb

upisan u svojstvu vd direktora. U personalnom dosijeu imenovanog nisu zatečeni ugovori o radu koje je eventualno imenovani zaključio sa tadašnjom upravom.

4. Uvidom u Rješenje o izmjenama podataka Općinskog suda Sarajevo broj: 065-0-Reg-14-004030 od 30.12.2014. godine je utvrđeno da su kao lica ovlaštena za zastupanje bili upisani Kaltak Esad v.d. izvršni direktor, Memišević Mirsad, v.d. direktor društva i Ljubunčić Snježana, v.d izvršni direktor. Osnov izvršene izmjene je Rješenje Ministarstva privrede broj: 07-01-05-30326714 od 10.12.2014. godine o smjeni Amira Karahasanovića vd direktora i Rješenje Ministarstva privrede broj: 07-01-05-30327/14 od 10.12.2014. godine o postavljenju Mirsada Memiševića kao vd direktora-privremenog upravitelja. Uvidom u prijave/odjave sa osiguranje za Memišević Mirsada je utvrđeno da je imenovani objavljen sa osiguranja sa danom 29.12.2014. godine sa zanimanjem vd direktor i ponovno prijavljen sa danom 30.12.2014. godine sa zanimanjem vd direktor.

Uvidom u platne liste Memišević Mirsada za mjesec odnosno periode u kojem je obavljao dužnost vd direktora i platne liste imenovanog u mjesecima, odnosno periodima u kojima nije obavljao dužnost vd direktora je vidljivo da nose isti broj bodova/koefficient i približno isti iznos neto plaće kao u mjesecima u kojima mu je obračunata plaća kao vd direktoru predmetnog javnog preduzeća.

Iz naprijed navedenih rješenja o upisu društva u sudski registar je utvrđeno da su Kaltak Esad i Ljubunčić Snježana bili kontinuirano upisani u svojstvu izvršnih direktora, bez obzira na sporadične izmjene vršioaca dužnosti direktora Kantonalnog javnog preduzeća, što im je i bio osnov za isplatu plaće na ovim pozicijama.

Iako je inspektor rada prilikom vršenja inspeksijskog nadzora utvrdio određene nepravilnosti u vezi s isplatom plate Memišević Mirsadu, obzirom da inspektor nema mogućnost retroaktivnog djelovanja, po tom osnovu mjere nisu poduzimane.

- *Odgovor na pitanje pod rednim brojem 5.*

U vezi s pitanjem koje se odnosi na regulisanje koncesionog odnosa za upotrebu bunara (vlastiti vodozahvat) u krugu preduzeća niti plaćanje naknade za eksploataciju vode, izvršen je inspeksijski nadzor od strane kantonalne vodne inspekcije i konstatovano slijedeće:

Kantonalno javno preduzeće PD Butmir doo Sarajevo je pod stalnim nadzorom ove inspekcije kojom prilikom je utvrđeno da isto vrši zahvatanje vode iz vlastitog vodozahvata- bunara.

Mjerenje količine zahvaćene vode vrši se preko baždarenog mjernog uređaja - vodomjera serijskog broja W-1 085145. Prilikom inspeksijskog nadzora, predloženo je uvjerenje o ispravnosti vodomjera broj 44/16 od 15.11.2016.godine izdato od strane KJP "Vodovod i kanalizacija" doo Zenica koje vrijedi do 15.11.2021.godine.

Uredno se vodi dnevna i mjesečna evidencija o količini zahvaćene vode na propisanim obrascima i redovno šalju izvještaji Agenciji za vodno područje rijeke Save te plaćaju posebne vodne naknade kako je propisano Pravilnikom o sadržaju i načinu vođenja evidencije i dostavljanje



web: <http://kuip.ks.gov.ba>, mail: kuip@kuip.ks.gov.ba

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb

podataka o količinama zahvaćene vode ("Službene novine FBiH"; br.83/08) i Pravilnikom o načinu obračunavanja, postupku i rokovima za obračunavanje plaćanja i plaćanje, kontroli izmirivanju obaveza na osnovu opće vodne naknade i posebne vodne naknade ("Službene novine FBiH", br. 92/07, 46/09, 79/11 i 88/12).

Naknade za eksploataciju vode prema Odluci o naknadi za eksploataciju voda na području Kantona Sarajevo ("Službene novine Kantona Sarajevo", br. 29/12) a koja je stavljena van snage Odlukom Vlade Kantona Sarajevo od 25.01.2018.godine ("Službene novine Kantona Sarajevo" br. 5/18), nisu plaćane zbog tužbe od strane resornog ministarstva broj: 65 0 Ps 510 848 15 Ps i koja je još u sudskoj proceduri.

Dana 13.02.2019.godine izvršen je inspekcijski nadzor i tom prilikom je predočena mjesečna evidencija utroška vode za 2018.godinu dostavljena Agenciji za vodno područje rijeke Save i dokazi o mjesečnim uplatama PVN za korištenje podzemnih i površinskih voda za 2018. godinu. Ukupna količina zahvaćene vode u 2018.godini je 71.288 m³ za što je uplaćeno 2.137,00 KM posebnih vodnih naknada.

Stanje vodomjera na dan inspekcijskog nadzora je 177. 837 m³.

Inspektor je pružen na uvid zahtjev za dodjelu koncesije upućen Ministarstvu privrede KS dana 26.05.2015.godine, po kojem procedura nije sprovedena do kraja zbog, prema izjavi lica prisutnih inspekcijskom nadzoru promjene upravljačke strukture.

Predočena je Odluka o utvrđivanju javnog interesa za dodjelu koncesije za eksploataciju podzemne pitke vode iz bunara B-1, na farmi KJP Poljoprivredno dobro "Butmir" doo Sarajevo broj: 02-05-30342-7/18 od 23.08.2018.godine donesena od strane Vlade Kantona Sarajevo na zahtjev - samoinicijativnu ponudu od strane subjekta nadzora broj: 01-5-223/2017 od 08.11.2017.godine. Prema izjavi lica prisutnog inspekcijskom nadzoru dana 06.02.2019.godine je dogovorena cijena u iznosu od 0,10 KM/m³ te se još uvijek očekuje saglasnost Valade Kantona Sarajevo i potpisivanje koncesionog ugovora na 15 godina.

Na ostala pitanja, kao što smo već ranije istakli, nismo u mogućnosti odgovoriti iz razloga što ista nisu u nadležnosti ovog organa.

Dostaviti:

1. Predsjedavajući Skupštine KS
2. Sekretaru Skupštine KS
3. Sekretaru Vlade KS
4. Evidencija
5. Arhiva



DIREKTOR

Amir Hamović



web: <http://kuip.ks.gov.ba>, mail: kuip@kuip.ks.gov.ba

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb